

"মিষ্টি বাচ্চারা :- সত্য বাবা তোমাদের সব সত্য কথা শোনান, এমন সত্য বাবার সাথে সবসময় সততা বজায় রাখতে হবে, ভিতরে কোনো মিথ্যা বা কপটতা রাখা চলবে না।

প্রশ্ন :- সঙ্গম যুগে তোমরা বাচ্চারা কোন্ পার্থক্য বা বৈসাদৃশ্যকে খুব ভালোভাবে জানো ?

উত্তর :- ব্রাহ্মণ কি করে থাকেন আর শূদ্ররা কি করে, জ্ঞান মার্গ কি আর ভক্তি মার্গই বা কি, পার্থিব সেনাদের জন্য যুদ্ধের ময়দান কোথায় আর আমাদের যুদ্ধের ময়দানই বা কোথায় - এইসব পার্থক্য তোমরা বাচ্চারা জানো। সত্যযুগ বা কলিযুগে এই পার্থক্য কেউ জানে না।

গীত :- মাতা ও মাতা.....

ওম্ শান্তি। এ হল ভারত মাতাদের মহিমা। যেমন পরমপিতা পরমাত্মা শিবের মহিমা আছে। একমাত্র মায়ের মহিমা তো হতে পারে না। একা তো কিছুই করা যাবে না। অবশ্যই সেনা চাই। সেনা ছাড়া কিভাবে কাজ হবে। শিব বাবা হলেন এক। ওই একজন না থাকলে মায়েরাও থাকতো না। না বাচ্চারা থাকতো আর না ব্রহ্মাকুমার - কুমারীরা। বেশীরভাগই মায়ের ভূমিকা তাই মাতাদেরই মহিমা গাওয়া হয়। ভারতের মায়েরা হলো শিবশক্তি গুপ্ত সেনা আর অহিংসক। তারা কোনো প্রকারের হিংসাই করেন না। হিংসা দু প্রকারের হয়। এক হলো কামের ছুরি চালানো, দ্বিতীয় গুলি চালানো, ক্রোধ করা, কাউকে মারা ইত্যাদি। এই সময় পার্থিব সে সব সেনারা আছে, তারা দু ধরনের হিংসা করে থাকে। আজকাল বন্দুক ইত্যাদি চালানো মায়েরও শেখানো হয়। সে হলো পার্থিব সেনাদের মাতারা আর এ হলো রুহানী সেনাদের দৈবী সম্প্রদায়ের মাতারা। তারা কত ড্রিল ইত্যাদি শিখে থাকে। তোমরা হয়তো কখনো সেই ময়দানে যাও নি। তারা অনেক পরিশ্রম করে। কাম বিকারেও যায়, যারা বিয়ে করে না তারা অনেক মুশকিলেও পড়ে। সেই মিলিটারিদের থেকেও তারা অনেক কিছু শেখে। ছোটো ছোটো বাচ্চাদেরও তারা শেখায়। তারাও সেনা আর এরাও সেনা। সেনার বিস্তার তো গীততে খুব ভালোভাবে লেখা আছে। কিন্তু প্রাকটিক্যালি কি তা তোমরা জানো যে আমরা কতখানি গুপ্ত। শিব শক্তি সেনারা কি করে? কিভাবে তারা বিশ্বের মালিক হয়? একে বলা হয় যুদ্ধস্থল। তোমাদের যুদ্ধের ময়দানও গুপ্ত। এই অবস্থাকেই যুদ্ধের ময়দান বলা হয়। আগে মায়েরা এই যুদ্ধের ময়দানে যেত না। এখানেই সবকিছুর তুলনা করা হয়। দুই সেনার মধ্যেই মায়েরা আছে। তারমধ্যে বেশী পুরুষ না কি বেশী মায়েরা? পার্থক্য তো আছেই। জ্ঞান মার্গ আর ভক্তি মার্গের। এ হলো শেষ পার্থক্য। সত্যযুগে এই পার্থক্য হয় না। বাবা এসেই এই পার্থক্য বুকিয়ে বলেন। ব্রাহ্মণ কি করে আর শূদ্র কি করে? এরা দুজনেই এই যুদ্ধের ময়দানে আছে। এ সত্যযুগ বা কলিযুগের কথা নয়। এ হলো সঙ্গম যুগের কথা। তোমরা পাণ্ডবরা হলে সঙ্গম যুগের। আর কৌরবরা হলো কলিযুগের। দুনিয়ার মানুষ এই কলিযুগের সময় অনেক বড় দেখিয়ে দিয়েছে। এই কারণেই তারা সঙ্গম যুগ সম্বন্ধে কিছুই জানে না। ধীরে ধীরে তারা তোমাদের দ্বারাই এই জ্ঞান বুঝতে পারবে। তাই একমাত্র মায়েরই মহিমা থাকে না। এ হলো শক্তি সেনা। উঁচুর থেকেও উঁচু হলেন ভগবান আর তোমরা হলে আগের কল্পের সেই সেনা। এই ভারতকে দৈব রাজস্থান বানানো, এ তোমাদেরই কাজ।

তোমরা জানো যে তোমরা প্রথমে সূর্যবংশী ছিলে, তারপর চন্দ্রবংশী আর বৈশ্যবংশী হয়েছে। কিন্তু মহিমা সূর্যবংশীর করবে। আমরা এমনই পুরুষার্থ করছি যে আমরাই প্রথমে সূর্যবংশী অর্থাৎ স্বর্গে আসবো। সত্যযুগকেই স্বর্গ বলা হয়। বাস্তবে ত্রেতাকে কিন্তু স্বর্গ বলা হয় না। মানুষ বলেও যে অমুকে স্বর্গে গেছেন। এমন তো বলে না যে অমুকে ত্রেতায় রাম - সীতার রাজ্যে গেছে। ভারতবাসী জানে যে বৈকুণ্ঠে শ্রীকৃষ্ণের রাজ্য ছিলো। কিন্তু মানুষ কৃষ্ণকে দ্বাপরে নিয়ে গেছে। মানুষ সত্য যুগের কথা জানেই না। সত্যকথা বলার মতো সঙ্গুর তারা পায়ই নি, যাকে তোমরা পেয়েছো। তিনি সবই সত্যি কথা বলেন। তিনি বাচ্চাদের বলেন বাচ্চারা, তোমরা কখনো মিথ্যা বা কপটতার আশ্রয় নিও না। তোমরা কিছুই লুকোতে পারবে না, যে যেমন কর্ম করবে তেমনই ফল পেয়ে থাকে। বাবা ভালো কাজ করা সেখান। ঈশ্বরের কাছে কারোর বিকর্মই গোপন থাকে না। কর্মযোগও খুবই কড়া। যদিও তোমাদের এটা অন্তিম জন্ম তবুও সাজা তো ভোগ করতেই হবে কেননা অনেক জন্মের হিসেব নিকেশ শোধ করতে হবে। বাবা বুঝিয়েছেন, কাশী কলবট (কাশীতে কুয়ায় ঝাঁপ দিয়ে প্রাণ ত্যাগ করা) যখন খায়, যতক্ষণ না প্রাণ বেরোয়, ততক্ষণ ভুগতে তো হয়ই। খুব কষ্ট সহ্য করতে হয়। এক হলো কর্মযোগ, রোগভোগ আর দ্বিতীয় হলো বিকর্মের সাজা। সেই সময় কিছুই বলতে পারে না শুধুই চিৎকার করে। গ্রাহি - গ্রাহি করতে থাকে। পাপ আত্মাদের এখানেও সাজা আর ওখানেও সাজা ভোগ করতে হয়। সত্য যুগে কোনো পাপ হয় না। না কোর্ট না ম্যাজিস্ট্রেট আর না গর্ভ জেলের সাজা থাকে। ওখানে গর্ভ মহল হয়। দেখানোও হয়, অস্থিত পাতায় শ্রীকৃষ্ণ আঙ্গুল চুষতে চুষতে আসছেন। সেখানে গর্ভ মহলের কথা। সত্যযুগে বাচ্চারা খুব সুন্দর ভাবে জন্ম নেয়। আদি - মধ্য এবং অন্ত সেখানে সুখই সুখ। আর এই দুনিয়ায় আদি - মধ্য এবং অন্ত দুঃখই দুঃখ। এখন তোমরা সেই সুখের দুনিয়াতে যাবার জন্য পড়ছ। এই গুপ্ত সেনা ধীরে ধীরে বৃদ্ধি পেতে থাকবে। যত যে অনেককে রাস্তা দেখাতে পারবে সে উঁচু পদ পাবে। এই স্মরণের পরিশ্রমই করতে হবে। বেহদের বর্ষা বা সম্পত্তি যা পেয়েছিলে তা আবার হারিয়ে ফেলেছো। এখন আবারও নতুন করে পাছ। লৌকিক বাবা আর পারলৌকিক বাবা, দুজনকেই তোমরা স্মরণ করে থাকো। সত্যযুগে তোমরা এক লৌকিক বাবাকেই স্মরণ করবে, পারলৌকিককে স্মরণ করার প্রশ্নই নেই। সেখানে কেবল সুখই সুখ। এই জ্ঞানও ভারতবাসীদের জন্য, অন্য ধর্মের লোকেদের জন্য নয়। কিন্তু যারা অন্য ধর্মে ধর্মান্তরিত হয়েছে তারা ফিরেও আসবে। এসে যোগ শিখবে। যোগ বোঝানোর জন্য নিমন্ত্রণ পেলে তোমাদের তৈরী হওয়ার প্রয়োজন। তোমাদের বোঝাতে হবে যে, তোমরা কি ভারতের প্রাচীন যোগ ভুলে গেছো? ভগবান বলেন, "মনমনাভব।" পরমপিতা পরমাত্মা নিরাকারী বাচ্চাদের বলেন, তোমরা আমাকে স্মরণ করলেই আমার কাছে আসতে পারবে। তোমরা আত্মাআর এই শরীরের দ্বারাই শুনে থাকো। আমি আত্মাও এই শরীরের আধার নিয়ে শুনে থাকি। আমি হলাম সকলের বাবা। আমার মহিমা হিসেবে সকলে বলে, সর্বশক্তিমান জ্ঞানের সাগর, সুখের সাগর ইত্যাদি - ইত্যাদি। এই বিষয়ও খুব সুন্দর। শিব পরমাত্মার মহিমা আর কৃষ্ণের মহিমা বলো। এখন বিচার করো যে গীতার ভগবান কে? আর এ হলো জবরদস্ত বিষয়। এর উপরই তোমাদের বোঝাতে হবে। তোমরা বলো, আমরা বেশী সময় নেবো না। এক মিনিট দিলেও ঠিক আছে। ভগবান উবাচঃ "মনমনাভব," মামেকম্" স্মরণ করো, তাহলেই স্বর্গের বর্ষা বা সম্পত্তি পেতে পারবে। এই কথা কে বলেছেন? নিরাকার পরমাত্মা ব্রহ্মার শরীরের মাধ্যমে ব্রাহ্মণ সন্তানদের বলেছেন, এদের পাণ্ডব সেনাও বলা হয়। রুহানী যাত্রায় নিয়ে যাওয়ার জন্য তোমরাই হলে পাণ্ডা। বাবা এমনভাবেই বলে থাকেন। তাকে কিভাবে রিফাইন করে বোঝাবে তা বাচ্চাদের খেয়াল করতে হবে। বাবাকে স্মরণ করলেই মুক্তি আর জীবন মুক্তির বর্ষা পাবে। আমরা হলাম ব্রহ্মা কুমার আর কুমারী। বাস্তবে দুনিয়ার মানুষও তাই,

কিন্তু তারা বাবাকে চিনতে পারে নি। তোমরা বাচ্চারা পরমপিতা পরমাত্মার দ্বারা দেবতা হতে চলেছো। এই ভারতেই লক্ষ্মী - নারায়ণের রাজ্য ছিলো। ছোটো ছোটো বাচ্চারা যদি বড় আওয়াজ করে বড় সভায় বোঝায় তাহলে তার প্রভাব কতখানি পরবে। তারা বুঝবে এদের মধ্যে জ্ঞান আছে। এরা ভগবানের পথ দেখাচ্ছেন। নিরাকার পরমাত্মাই বলেন, হে আত্মারা, আমাকে স্মরণ করো, তাহলেই তোমাদের বিকর্ম বিনাশ হবে। গঙ্গা স্নান, তীর্থ ইত্যাদি জন্ম জন্মান্তর ধরে করতে করতে তোমরা পতিত হয়ে গেছো। ভারতেরই চড়তি কলা আর উতরতি কলা অর্থাৎ নামার কলা হয়। বাবা রাজযোগ শিখিয়ে চড়তি কলা অর্থাৎ স্বর্গের মালিক বানান, আবার মায়া রাবণ যখন নরকের মালিক বানায় তখন তাকে উতরতি কলাই তো বলবে, তাই না? জন্মে জন্মে অল্প অল্প করে উতরতি কলা অর্থাৎ নামার কলা হতে থাকে। জ্ঞান হলো চড়তি কলা। আর ভক্তি হলো উতরতি কলা। বলা হয় ভক্তির পরেই ভগবানকে পাওয়া যায়। তাহলে ভগবানই তো জ্ঞান দেবেন তাই না? তিনিই হলেন জ্ঞানের সাগর। জ্ঞান অঞ্জন (চক্ষু) সন্ধুর দিয়েছেন, অজ্ঞান অন্ধের বিনাশ করে। সন্ধুর তো একমাত্র পরমপিতা পরমাত্মা। মহিমা তো এক সন্ধুরেরই হবে নাকি গুরুর? গুরুরা তো অনেকেই আছেন। কিন্তু সন্ধুর একজনই। তিনিই সন্নতিদাতা, পতিত - পাবন এবং উদ্ধার কর্তা। এখন তোমরা বাচ্চারা ভগবান উবাচঃ শোনো। আমাকে স্মরণ করলে তোমরা আত্মারা শান্তিধামে চলে যাবে। ওটা হলো শান্তিধাম আর স্বর্গ হলো সুখধাম আর এ হলো দুঃখধাম। এই কথাটুকুও কি বুঝবে না? বাবা এসেই এই পতিত দুনিয়াকে পবিত্র দুনিয়া বানান।

তোমরা জানো যে বেহদের সুখদানকারী হলেন বেহদের বাবাই। আর বেহদের দুঃখ রাবণ দিয়ে থাকেন। এ হলো বড় শত্রু। এও কেউ জানে না যে রাবণ রাজ্যকে কেন পতিত রাজ্য বলা হয়। এখন বাবা সারা রহস্য আমাদের বুঝিয়ে বলেছেন। প্রত্যেকের মধ্যেই এই ৫ - ৫ বিকারের প্রবেশ আছে। এইজন্যই দশ মাথাওয়ালা রাবণ বানানো হয়। এই কথা বিদ্বান, পণ্ডিতরা জানে না। এখন বাবা বোঝাচ্ছেন রামরাজ্য কখন থেকে কখন পর্যন্ত চলে। এই বেহদের হিস্ট্রি - জিওগ্রাফি তিনিই বুঝিয়ে বলেন। রাবণ হলো এই ভারতের বেহদের শত্রু। তিনি কতই না দুর্গতি করেছেন। ভারতই স্বর্গ ছিল যা মানুষ এখন ভুলে গেছে।

এখন তোমরা বাচ্চারা বাবার শ্রীমত পাছো যে বাচ্চারা, তোমরা বাবাকে স্মরণ করো। অল্ক অর্থাৎ আল্লা আর বে অর্থাৎ তাঁর বাদশাহী। পরম পিতা পরমাত্মা স্বর্গের স্থাপনা করেন। রাবণ আবার নরকের স্থাপন করেন। তোমাদের তো স্বর্গ স্থাপনকারী বাবাকে স্মরণ করতে হবে। যদিও গৃহস্থ জীবনেও থাকো বা বিয়ে উপলক্ষেও কোথাও যাও কিন্তু যখনই সময় পাবে বাবাকে স্মরণ করবে। শরীর নির্বাহের কারণে কর্ম করলেও যাঁর সাথে তোমাদের সম্বন্ধ হয়েছে তাঁকে স্মরণ করতে হবে। যতক্ষণ না তাঁর ঘরে যাও, তোমরা সব কর্তব্য পালন করো, কিন্তু বুদ্ধির দ্বারা কখনোই বাবাকে ভুলো না। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) সাজার হাত থেকে বাঁচার জন্য নিজের সব হিসেব - নিকেশ শোধ করতে হবে। সত্য বাবার কাছে কিছুই লুকানো উচিত নয়। মিথ্যা আর কপটতার ত্যাগ করতে হবে। বাবার স্মরণের যাত্রায় থাকতে হবে।

২) বাবা যেমন অপকারীদেরও উপকার করে থাকেন তেমনই সকলের উপকার করতে হবে। সবাইকে বাবার সত্য পরিচয় দিতে হবে।

বরদান :- সাক্ষী হয়ে মায়ার এই খেলাকে মনোরঞ্জনের সাথে দেখে মাস্টার রচয়িতা হও।

মায়া যতোই রং দেখাক আমি হলাম মায়াপতি, মায়া যদি রচনা হয়, আমি হলাম মাস্টার রচয়িতা - এই স্মৃতিতে মায়ার খেলা দেখো, কিন্তু এই খেলায় হেরে যেও না। সাক্ষী হয়ে মনোরঞ্জন মনে করে দেখতে থাকলে এক নম্বরে চলে আসতে পারবে। এমন মানুষের কাছে মায়ার কোনো সমস্যা, সমস্যাই মনে হয় না। কোনো প্রশ্ন থাকবে না। সদা সাক্ষী আর সদা বাবার সঙ্গে স্মৃতিতে বিজয়ী হয়ে যাবে।

স্লোগান :- মনকে শীতল, বুদ্ধিকে দয়ালু আর মধুর বচন সম্পন্ন হও।